

Na osnovu člana 51. tačka a) Zakona o visokom obrazovanju («Službene novine Tuzlanskog kantona broj: 08/08, 11/09, 12/09,13/12, 16/13, 7/14 i 8/14), člana 18. stav (1) tačka a) Zakona o Univerzitetu u Tuzli («Službene novine Tuzlanskog kantona» broj: 09/08, 8/10 i 7/11) i člana 72. stav (1) alineja e) Statuta Univerziteta, Upravni odbor Univerziteta u Tuzli, na prijedlog Rektora, na sjednici održanoj 29.02.2016.godine donio je

PRAVILNIK O ORGANIZACIJI, ŠTICANJU I RASPOREĐIVANJU PRIHODA OD NAUČNOISTRAŽIVAČKOG RADA

Član 1.

Ovim Pravilnikom uređuje se organizacija i sprovođenje naučnoistraživačkog rada na Univerzitetu u Tuzli, zajedničke osnove i mjerila za sticanje i raspoređivanje prihoda od naučnoistraživačkog rada.

Član 2.

(1)Univerzitet i njegove organizacione jedinice fakulteti organizuju i realizuju različite oblike naučnoistraživačkog rada.

(2)Organizacione jedinice u obavljanju naučnoistraživačkog rada mogu samostalno preuzimati obaveze u pravnom prometu sa trećim licima u okviru registrovane djelatnosti.

Član 3.

(1)Naučnoistraživačka djelatnost obuhvata objavljivanje rezultata naučnoistraživačkog rada, osposobljavanje i usavršavanje naučnih radnika i obezbjeđenje uslova u naučnoistraživačkoj djelatnosti.

(2)Naučnoistraživački rad obuhvata fundamentalna, razvojna i primijenjena istraživanja.

(3)Naučnoistraživačka djelatnost obuhvata i organizovanje konferencija, kongresa, simpozija i drugih oblika naučno-stručnih skupova.

Član 4.

(1)Pod prihodima od naučnoistraživačkog rada podrazumijevaju se prihodi koji su ostvareni od naučno-istraživačkog rada Univerziteta i fakulteta, kao i oni stečeni po osnovu organizovanja konferencija, kongresa, simpozija i drugih oblika naučno-stručnih skupova.

(2)Za poslove iz prethodnog stava ugovor zaključuje Rektor, u slučaju kada je Univerzitet nosilac posla, odnosno dekan, u slučaju kada je fakultet nosilac posla.

(3)Ugovoreni poslovi naučno-istraživačkog rada mogu se realizirati samostalno na Univerzitetu, odnosno fakultetu ili zajednički sa drugim organizacijama i institucijama, kao i angažovanjem stručnjaka koji nisu zaposlenici Univerziteta, kao i studenata.

Član 5.

(1)Rektor, odnosno dekan, u smislu stava 2 prethodnog člana, određuje voditelja projekta, imenuje tim saradnika i konsultanata iz reda usposlenika Univerziteta, kao i/ili suizvršioce od ugovorne strane ili konzorcijskog partnera.

(2)O zaključenim ugovorima iz prethodnog člana Prorektor za NIR, odnosno, prodekan za naučnoistraživački rad fakulteta, informiše članove Senata, odnosno članove naučno-nastavnih vijeća fakulteta.

(3)Prodekan za naučnoistraživački rad, za svaki odobreni projekat, informiše Ured za pitanja

NIR-a na propisanom obrascu.

(4)Ured za pitanja NIR-a vodi Registar svih naučno-istraživačkih projekata.

Član 6.

Prava i dužnosti voditelja projekta su:

- Odgovoran je za izvršenje rada u svim fazama njegove realizacije;
- Koordinira i usmjerava ostale izvršioce u cilju uspješnosti realizacije zadatka;
- Zamjenjuje ili angažuje nove izvršioce, ako se za to ukaže potreba;
- Pismeno utvrđuje obim poslova za svakog izvršioca i visinu naknade za obavljene posao, i
- Odgovoran je za utrošak sredstava u skladu sa zakonom, ovim Pravilnikom i ugovorom.

Član 7.

(1)Prihodi od fundamentalnog, razvojnog i primijenjenog naučnoistraživačkog rada koje ostvare organizacione jedinice–fakulteti Univerziteta, raspoređuju se, nakon što se od ugovorenog iznosa izmire zakonom propisani porezi i obaveze prema konzorcijskim partnerima, kako slijedi:

- 1) 90 % prihoda raspoređuje se, prema odluci Rektora/dekana, na sljedeći način:
troškovi realizacije projekta, što uključuje: nabavku potrošnog materijala (hemikalije i sl.) za realizaciju projekta, nabavku i iznajmljivanje opreme za realizaciju projekta, službena putovanja, dnevnice, troškove smještaja, edukaciju istraživača, naknade za rad istraživača (uposlenici Univerziteta i suizvršioци) i ostalo.
- 2) 10 % prihoda za rashode i izdatke fakulteta .

(2)Obračun naknada za rad izvršilaca iz reda akademskog osoblja vrši se prema ugovoru o dodatnom angažovanju, a sa ostalim izvršiocima po ugovoru o privremenim i povremenim poslovima, odnosno, ugovorima o djelu, u skladu sa zakonom.

Član 8.

(1)Uspješno realiziranim naučnoistraživačkim projektom se smatra projekat iz čijih rezultata istraživanja je publiciran najmanje jedan naučni članak u naučnim časopisima koji se nalaze u relevantnim indeksnim bazama podataka ANU BIH.

(2)Samo pod uslovom iz prethodnog stava se smatra da su finansijska sredstva za realizaciju naučno-istraživačkog projekta u potpunosti opravdano utrošena.

Član 9.

Prihodi od organizacije konferencija, kongresa, simpozija i drugih oblika naučno-stručnih skupova, nakon što se od ugovorenog iznosa izmire zakonom propisani porezi i obaveze prema konzorcijskim partnerima, raspoređuju se na nivou fakulteta za pokriće rashoda neophodnih za ostvarenje te vrste prihoda.

Član 10.

Sredstva za naučnoistraživački rad, ostvarena na konkursu kantonalnih, federalnih i državnih ministarstava u BiH raspoređuju se u skladu sa članom 7., osim ukoliko ugovorima koji se zaključuju sa odgovarajućim ministarstvima nije drugačije utvrđeno.

Sredstva od naučnoistraživačkih projekata finansiranih na osnovu međunarodnih sporazuma, sredstva od projekata finansiranih iz fondova Evropske unije raspoređuju se u skladu sa članom

7., osim ukoliko ugovorima, sporazumima i pravilima institucija koje finansiraju projekte nije drugačije utvrđeno.

Član 11.

Ovaj Pravilnik stupa na snagu na danom donošenja.

Član 12.

Stupanjem na snagu ovog Pravilnika prestaje se primjenjivati Pravilnik o vrsti, načinu i rokovima raspodjele vlastitih prihoda ostvarenih od naučno-istraživačkog i umjetničkog rada i stručnih usluga fakulteta/Akademije Univerziteta u Tuzli Br: 04-7130-3/08 od 26.09.2008. godine i Broj: 04-8804-2/09 od 09.11.2009. godine.

UNIVERZITET U TUZLI
Broj: 04-1229-3/16
Tuzla, 29.02.2016. godine

PREDSJEDNIK
UPRAVNOG ODBORA:

Akademik Prof.dr.sc. Enver Zerem